

永樂大典

卷一三三 寺字

卷一三三 寺字

卷一三三 寺字

卷一三七 賁字

卷一三七 賁字

永樂大典卷之一萬三千八百二十二

二真

寺

相國寺

判誤志寺在開封府開封縣唐延和元年立額呂朝書御建國寺後廢唐為歙州司馬鄭審之宅因疾施製法書集

復置寺唐宗以舊封相王改曰相國寺貝汴州記一云鄭景之宅至道中增修修寺記宋白撰太宗御題額寺額記呂夷簡撰正殿北資聖閣按寺

舊有重閣高三百尺敞揚州西靈塔唐大順初災後唐長興二年復修構咸平中改曰資聖又重樓三門至道元年造其南仁濟寶奎二殿東曰仁

濟立銅人式并刻鐵吳國經于石有仁宗御篆夏竦撰序西曰寶奎有仁宗親白書章得象篆額晏殊撰記寶奎北有經藏天聖初降真宗御集其

西法華院有佛牙碑太宗真宗并御製額偈贊按佛牙碑寶昌朝書御製韓琦立石趙鼎篆額王圭撰序并書又寺之東廡有真宗御製法書集

義注題名記晁文莊公撰東南隅普滿塔按普滿塔唐至德中建寺舊有僧惠雲鑄彌勒像唐宗書寺額王溫裝佛並善神吳道子畫文殊維摩李

秀剎障目邊思順造排雲閣石抱玉畫變相車政道畫天王環師畫梵王
帝釋僧智儼造位次圖世以此為十絕又有玉階石鑑李益書韓幹畫亦
皆絕倫又據汴州記有田神功手紳身今夫其所塔旁羅漢院有桂籍堂
素新賜第進士多集於此見早下御書并題名云云寺中又有設粥院
記宋綾機寶聖閣新院記李淑撰浴堂記吳育撰開封志寺在祥符縣大
寧坊見存見續開封志評舊傳相國寺有十絕余攷能改齋漫錄所載相國寺
舊榜太宗御書此十絕之一也又攷談叢所載相國寺樓門唐人所造初
木工喻浩曰他皆可能惟不解卷簷門內兩井亭近代木工不能及也寺
之十絕此其二耳是與太宗御書為三絕也第未知彼七絕為何物邪然本朝
名畫人氏云大相國寺碑稱寺有十絕大殿內彌勒聖容乃唐中宗朝僧惠雲
於安業寺鑄成光照天地為一絕睿宗親感夢於延和元年七月二十四日改舊
相國寺為大相國寺御題牌額為二絕王溫重裝聖容金粉肉色并門外善神馬
為三絕大殿內有吳道子畫文殊維摩像為四絕供奉李秀剎佛殿障日九間為
五絕明皇天寶四載令邊思順修建排雲寶閣為六絕石抱玉畫護國除
灾患變相為七絕明皇初車道政依于闐國傳樣畫北方毗沙門天王為
八絕環師畫梵王帝釋及東廊障日內畫法華經二十八品功德變相

為九絕西庫北壁僧智儼畫三乘國因果入道位次圖為十絕又却引此
為十絕何也周草窗先生記樓閣最高而見者相國寺資聖閣朝元宮閣
登雲樓資聖閣雄麗五簷滴水廬山五百銅羅漢在焉國初曹翰所取者
也朝元宮閣舊上清諸祥宮移至岩堯半空登雲樓俗呼為八大王樓又
稱譚樓蓋初為燕王元儼所居後為鉅璫譚禎有之其奇峻雄麗皆非東
南所有朝元宮殿前有大石香爐二製作高雅間熙春閣前元有十餘座
徽宗每宴熙春則用此燒香於閣下香烟蟠結凡數里有臨春結綺之意
也朝元宮虛皇臺亦上清移來下有青石礎二刻畫龍鳳國花極工巧舊
時是朱溫椒蘭殿舊物臺上有拜石方廣二丈許光瑩如碧玉四畔刻龍
鳳雲霞環繞內留品字三方素地云是宣政內醮時徽宗立於中林靈素
王文卿居兩傍也又云相國寺佛殿後壁有咸平四年翰林高侍詔畫大
天王尤雄偉殿外有石刻東坡題名云蘇子瞻子由孫子發秦少遊同來
觀晉卿墨竹中先生亦來也
十八月五日老中一百一歲又片石刻
坡翁草書哨遍石色皆如玄玉清波別志寺舊有六十餘院或止有屋數
間簷廡相接各具庖爨每虞火舊乃分東西各為兩禪兩律自汚腥羶未
知今存樂院輝出墮日往迂經寺門遙望浮屠峻峙有指示曰此舊景德

院也勿勿攬轡徑過所可見者棟宇宏麗耳固不暇指顧問處所紹興初故老閑坐必談京師風物且喜歌曹元寵甚時得歸京裏去十小閑聽之感慨有流涕者五六十後更無人說著蓋者舊日就淪謝古之可勝於悒事物紀原唐房僚石幢北寺肇自中宗叶亭始置于茲宋會要云開寶六年太祖修西塔曰廣願元祐元年僧中慙立又云咸平五年名後閣曰資聖東京記則云景德五年賜名也神宗熙寧間重修飭之併諸院為八東曰寶嚴寶梵寶覺惠林西曰定慈廣慈普慈智海東京記又曰仁濟殿天聖八年建後與寶奎殿同賜名也百川學海燕翼詒謀東京相國寺乃瓦市也僧房散處而中庭兩廡可容萬人凡商旅交易皆萃其中四方趨京師以貨物求售轉售他物者必由於此太宗皇帝至道二年命重建三門為樓其上甚雄宸墨親填書金字額曰大相國寺五月壬寅賜之魏泰東軒筆錄舊傳東京相國寺乃魏公子無忌之宅至今地屬信陵坊寺前舊有公子亭丁謂開保康門對寺架橋始移亭于近東寺基舊極大包數坊之地今南北講堂巷即寺之講院戒身即寺之戒壇也能改齋漫錄大相國寺舊榜太宗御書寺十絕之一政和中改為宮御書賜額舊榜遂為高麗使乞歸其後復改為寺御書仍賜今額舊唐書五行志

大順二年十月汴州相國寺佛閣災是日晚微風震電寺僧見赤塊在三
門樓藤網中周遠一帀而火作良久亦塊北飛越前殿飛入佛閣網中如
三門周遠轉帀火作如是三日不息訖為灰燼文苑英華唐李邕大相國
寺碑夫聖不徒作作必有因化不徒開開必有攝故大事所會一法所傳
若天若人或賢或達雖萬才出地而三獸度河使不聞者聞未悟者悟豈
虛也哉此寺伽藍古廢建國有濮州之像自安業而來及逝將復歸堅守
常住人至萬且千飛聲殷雷用壯敵國坐如請忝安如須彌有若部人郭
賓者生心起謗雙目失明有若部人陳振者興言誑徒喉腫及舌皆追悔
自昔瘞平在今或沒身為奴或鑄鍾依佛延和初載奉詔改為大相國寺
復置額焉先天中內府降財御書題額一作唐睿宗通夢靈應肇發臨遣
碩德僧真諦載馳載驅乃慰乃止昭宣渥命寵錫神幡吏人候迎法侶圓
繞豁塵里羅郊原者不可勝計夫以金仙聖容之表先主感之代即嘉名
之舊先主標之筆精洵水三上躬之故能鍾乾坤激日月景光遐燭
德寓弘覆曷云比也我開元神武皇帝受元禧祚國傳寶睦九族叶萬邦
功濟而業成道光而孝理慧康父子義結華戎寰瀛之濱大興之上顯顯
而戴欣欣而懷逮纖路于茲一作慈寓目于茲一作慈者莫不瞻大名欽

聖札仰天性而泣遺澤荷慈氏而歎堅林。刑刀者周告勞。擅施者周辭費。莊嚴不獨於示相功德。何止於無為。基布黃金。圖擬碧絡。雲廓八景。雨散四花。國土威神。塔廟崇麗。此其極也。雖五香紫府。太息芳馨。千燈赤城。永懷照灼。人間天上。物外異鄉。一言也。上坐知隱寺主元琛。都維那上智儼。皆妙覺圓常對境。亡境。彌入後地。因如德如合之。不隔。混以相濟。咸以為他方所至。廣法界。惟三。虛空所至。弘度門。惟一。況乎實相感通之應。聖跡飛動之神。安可默頌。聲闕題記者。已乃作頌曰。佛法住持。正教弘益。真容見寺。先帝書額。藩邸鴻名。建國前跡。我皇孝理。我人光澤。日月明明。家邦赫赫。觀妙追遠。懷恩惟昔。八部莊嚴。四天感激。以式永代。是紀豐石。

國朝清理冊寺在開封府 宋白銘曰。臣供職業林。伏膺典策。伽藍故事。綱素預聞。按大相國寺。本北齊建國寺也。唐室睿宗改賜今額。大凡有土地。然後置國城。有國城。然後興棟宇。恭承制旨。願畢其辭。謹再拜而颺言曰。天生蒸民。樹之司牧。創業垂統。建邦設都。上古已還。弗常厥所。堯都平陽。舜都蒲坂。周都鄴鎬。漢都長安。咸以為天下之君。保域中之大。乃瞻梁國。古屬豫州。主于斗極之三。度入房星之五。無名山大川之阻。衝四通五達之郊。梁開平中。昇為京闕。晉漢有周。三代因之。嘻。天道玄遠。有開必先。

惟周之興。為宋經始。遷宗社于斯。築新城于斯。太祖皇帝潛陽在下。玄德昇聞。百姓與能。三靈改卜。爰尊禪讓。方陟元后。以為必躬必親。所以康世難。破澤潞。惟揚之妖。不壯不麗。何以威外夷。闢皇居。應門之象。國之大。事在祀與戎。增嚴裡上帝之壇。大禁衛連營之制。由是荆湖內附。吳蜀一統。鸞明而治。十有七年。太宗皇帝德合天地。明齊日月。肇膺顧命。一委長君。恢張四維。奮迅獨斷。盛哉吳越。享國百齡。我以尺一而召之。叢尔并汾。不庭二紀。我以一戎而下之。功成制禮。治定作樂。新集仙祕閣之署。草藉田東封之儀。既而麟鳳効祥。草木呈瑞。垂衣端拱。二十二祀。崇文廣武。聖明仁孝。皇帝之應運也。紫氣充庭。黃雲作蓋。壽邸通三之貴。震宮明兩之朝。肩數在躬。大寶曰位。以至誠奉六廟。以純孝尊萬安。接盤維以雍睦。御臣民以公正。禮無違者。文思化成。六合無不獲之夫。四海多來賓之國。皇猷既已彰矣。昌期亦已隆矣。一旦負黼宸語。侍臣曰。朕荷九天眷命。襲二聖丕基。寅畏奉行。弗敢失也。有慶時。汜小康。行大中之道。吾無聞然存方外之教。意無所闕。太祖羊封禪。為開寶之號。太宗錫龍興。以太平之名。別開啓聖之梵宮。寶作上帝之壯觀。唯相國寺。勅建三門。御書賜額。餘未成就。我當脩之。乃宣內臣。飭大匠。百工磨至。衆材山積。岳立正殿。翼舒

長廊左鐘曰樓右經曰藏後拔層閣北通便門廣庭之內花木羅生中廡之外僧居鱗次大殿辟容即慧雲師所鑄彌勒瑞像也前樓衆聖即潁川郡所迎五百羅漢也其形勢之雄制度之廣剏之妙丹青之英星繁高手雲萃名工外國之希音一試巧聚精會神爭能角勝極思而成之也偉夫觚稜鳥跂梅梁虹伸繡栢文楹璇題玉砌金碧輝映雲霞失容爭鐸玲瓏咸韶合奏森善法於目前飄樂音於耳界若能龍華春日然燈月夕都人士女百億如雲綺羅繽紛花鬘瓔珞巡禮圍繞拊檀衆香仰而馭之渭兜率廣嚴攝歸于人世又若天仗還都鳳樓肆赦千乘萬騎流水如龍旌旗萼空歌吹沸渭憑欄四顧佳氣榮光俯而望之疑蓋珠閣風神化于海上猗宏麗也殊勝也皆不可稱不可量大矣哉維大雄氏真大聖人也佐佑大君興隆大化受記付囑爲世外護故將以法王能仁蕪帝王要道參而行之經言廣大則無思不服經言慈悲則視民如傷經言忍辱則國君舍垢經言利益則我澤如春德惟日新精進也畏于天命持戒也如是知見如是信解然由造有相之功德廣無邊之福田固皇圖如泰山躋蒼生於壽域冀災沴不作借賊不生風雨咸若寰區謐寧者歟古云登高能賦作器能銘彼皆小者尚以文爲昔簡牘頭陀之碑江總記栢霞之

迹庾信述鳳林之景王勃演牛頭之詞鴻筆遺妍龜趺盡在矧夫夷門吳
位汴水陽涯旁連北斗之城近對蒼龍之闕構此大壯宜揚頌聲臣久玷
鰲山榮瞻鳳宸學微觀興文愧非工捧詔惕然拙毫銘曰地象為興天形
如笠四序循環三辰出入吁嗟五代日不暇給祖宗耿光神祇降祥受天
永命得人者昌崛起大宋祚踰皇唐赫赫太祖聰明神武櫛風沐雨披攘
九土握機蹈矩炳文如虎明明太宗寬仁肅恭務材訓農萬方來同類帝
裡宗神德猶龍重熙累洽慶流三葉玉塞鏖兵銅梁獻捷文物歲馳禎符
雜選信及豚魚混一車書儒通墳索道講玄虛勳行二教諦奉真如隋是
之側寺名相國髣髴天宮光華日域下福蒸人上迺聖曆輪馬無馬立色
相宣春陵寶馬許史雲駟爭超勝地如會諸天不可思議嘆未曾有悅懌
群心歡呼萬口千劫受塵一時抖擻揆日占星揚于紫庭黃麻錫詔翠琰
刊銘金田寶剎萬祀千齡元王揮秋潤集汴梁路相國寺化工疏汴梁
路大相國寺住持僧崇其全者一旨修葺前殿所有化緣疏文各行開具
者伏以梵宮盤鬱無踰相國宏規傑閣歸存猶是李唐遺構浩劫照浮雲
之衛秋風動喬木之悲顧二三之殘僧將脩完而何力幸蒙睿眷尚賴人
謀况有生趨嚮而孰非善心在稽首歸依者當體上意能傾心而樂施或

分園以捐金同新般若清光與後天人偉觀風鈴如語響泛潮音天女散
花有來衆士祝延聖壽載緒具樂之香翊贊皇圖永北彌盧之固謹疏宋
梅聖俞文陵集劉元甫觀相國寺淨土楊惠之塑像吳道子畫又越僧鼓

琴閨僧寫真予解其說八脩都下將踰三十春不聞此畫塑想子得

亦新慈寺臨大道常多車馬塵設如前日手晦昧已惑人易分今與古曷

辨偽與真閨緇圖鳳姿越釋彈龍唇但知五彩爛徒謂五音淳孰識商聲

高孰驚眸子神不張評譜品索玉翻得珉二君才調高言若羽翮振將令

尋常工千歲傳不泯范石湖大全集相國寺詩寺勝猶必陵卿古寺十難

貨皆胡俗所須而已傾簷趺吻護奎文金碧浮圖暗古塵聞說今朝却聞

寺羊裘胡帽趁時新劉敬彭城集秋雪過相國寺詩六花飛舞滿長安

古寺樓臺白玉攢長眉老僧見客語兩年秋雪就中寒劉公是先生集雪

中詣相國寺詩西風卷雪白如沙索漠空林開白花病僧迎客興不淺

自啓軒牕慈孝寺刊謨志寺在開封府祥符縣天聖五年置本蔡

煎越茶國公主宅有崇先殿以奉真宗聖容又有章獻

太后彰德殿寺碑夏珠撰宋後書事物紀原寺故駙馬都尉吳元辰宅也

天聖二年十二月十二日詔建寺奉真宗神御初議名慈聖時太后號有

此二字改賜今名東京記曰戒壇院本寺園寶元初僧文旦營創戒壇慶
曆五年賜額也宋夏文莊公集慈孝寺銘并序維天聖四載冬十二月洛
苑副使入內侍省押班江德明被旨治故燕國英惠長公主第為佛寺
資福于真宗文明武定章聖元孝皇帝始聖上以皇太后濟發鴻誓祇迪
淨因國創美名永昭慈訓三事之臣相與進曰陛下以聰哲廣運承燕冀
之謀太后以寬仁勤儉膺頌託之重垂簾訪對齋居聽政雨露均澤榮悴
畢霑日月並明忠邪洞判陽郊再卜歲歷五頌六幕晏清百嘉樹育此太
后至慈以佑嗣聖景貺特臨陛下至孝以事母儀黎苗歡服在昔名寺方
冊具焉或以紀年或以盛德今願以慈孝為名庶稱道於無窮輝映於前
代有制可之代命近臣銘於樂石臣聞東漢已還有天下者繼體承基尊
祖親稱黃派玉璫觀盟之享嚴高燎清壇外侑之容備屬象之餘烈願慕
遺恩奉先之典有終欲報之哀無極或以佛國追福或以釋像薦靈旁行
不流厥惟舊矣唐氏中微二十作寇劇搖亂群雄紛擾載祀踰於二百
厯世幾乎三十文輝昏稷山川圯裂室廬生荆棘郭郭成煨塵大塊之載
欲空下民之命垂盡我國家天人合應祖宗重光並翦鯨鯢再造畿夏勝
殘去殺解百王之樊紐題期立象擁五精之王氣憲洪範順乾則置國以

建永圖刻霸執拓皇衢納民以遵大道功有震疊燁燿格天光表而太山之高未增德有旁魄蔓莢蒸雲潤海而梁父之基未附上帝儲蕃祉而有待先聖膺寶命而惟新其宅藩房踐儲邸則三鷄問寢四時省膳周文之孝德也尹正京轅寵綏都畿有虞之厯試也其步天階御神器則攸縱多能宣精道藪陶唐之文思也躬案六師外攘夷狄成湯之聖武也大哉以日躋之美承天贊之業仁經之義緯之根本於道德粉飾乎禮樂信以未遠愆驚之兵寢虛以受人鯁亮之臣進萬景以之昭晰元化以之網緼包舉大寧恭倖遂始故能延款駕席蘿圖萃坤珍輯天端紀官立制克稱乎神物升中降禪不顯於上儀鄧丘頌祗曲里尊道秩無文以拜覬蒙名山而紀迹均大麥賜明宥復太素宣至和予祀庶之恩豐賓萬靈之禮洽方將祓靖館齋大庭而思帝所以甚歡厭天下之為累徹琴瑟而弗憚倦與馬而罷游聖人入侍典居冠帶不褫太后親嘗藥石夙夜必躬靡愛牲牲徧走群望載罄主璧並植三壇屑瓊藥而無功碎玉靈而罔效於是祈竺乾之秘教捨沁水之名園行冀有廖即程庶役靡獲夢齡之感終稽彤日之報弓遺髯斷荆山之鼎空成儲拂酒清釣天之遊不返宇宙憐怛人神震動六宮攀號萬國縞素皇帝起初載臨宸極章明百度履德包元以儀

形乎風烈。皇太后恭遺制保重熙。平決萬樞。傳照無覽。以對越乎威神。以
為能類帝者。聖人善饗親者。孝子乃緣先朝之意。寢講昭事之文。以真皇
之受元符。膺祕記。層宙之碩懷也。始嚴安聖之殿。于玉清之廷。奉諄誨。迪
璿源六羽之監觀也。繼作奉真之殿。于景靈之館。又以洛師吉壤。執祖降
靈。有應天之院。睢陽奧區。王業資始。有鴻慶之宮。四範睟容。並安寶宇。盡
漢祖龍顏之妙。增開元玉石之華。皆衣冠是游。旒宸如在。薦櫻獻鮪。馳傳
相望。濡露履霜。因時增愴。人以為禰祀極乎禮。異幽贊之宜。哀感竭乎情。
無名助之禮。乃復疇近職。命有司中述緒言。繼成叢志。即鳳臺之餘趾。建
庶範之精廬。因舊垣而不廣。慮民居也。鳩庶工而惟簡。形人力也。祇
植之園。設像兼碩。成之廟巖洞隱。飾疑堂邑之山林。讚俱傳聞。變平陽之
歌舞。回廊四注。飛觀相臨。落斯千之雅章。成春秋之逸事。以五年冬十月
詔擇練僧三十。以奉重修。置淨人二十有五。以給灑掃。設官守之。句俾德
明。以董之議。尊奉之制。命太常以恭之先。置禁中肖像。文考是月壬申。乃
率適且戒宗室導自天章之閣。至于會慶之殿。紫帷奏香。空歌達旦。翌日
群后晨謁。百靈備從。中命上公奉安于寺之崇真殿。緇黃先道。儀衛清路。
幡華旗旆。左右相見。鍾磬笙篳。前後間作。帷帝設次。簪紱在廷。太史候辰。

攸司錯事言瞻殿勝出於宸翰飛毫舉鳳拂素騰龍孝德聖能並煥茲曰
甲戌上運法駕公卿以奉贊薦越翌日太后御琨輿總嬪侍以獻令芳都
人隘塗鮮車擊鼓或鼓舞蹈德或感泣懷恩望帝鄉之雲慘淒共色聰魚
山之梵讚歎相趨先帝付受之道光矣後聖恭事之禮至矣書所云克篤
前烈詩所云聿追來孝者也史官奉詔謹為銘曰有宋赫赫兩宮明明慈
昭神育孝總天經思文真皇悲哀固極曾館方虛給園斯闢斗城北望廣
路東披米楹叢倚紺瓦葦飛寶網羅空金繩表道滿月光明青蓮相好有
殿中峙寔奉先朝彫雲巖幄綺棟陵駘隆準如生清輝若在祇薦馨香疑
聞馨歆供悵咸具朕御畢陳履綦雖遠手澤猶新間館旁連藻局相屬庭
有寓龍山多疊玉巖衛岑寂靈將往來雨華紛護颺馭徘徊日監孝思永
賜純嘏時萬斯年在宥天下黃庭聖豫章集慈孝寺餞于敦席上奉同孔
經父八韻 日永知槐夏雲黃喜麥秋歐陽公詩話載趙師民詩云麥秋
晨氣潤槐夏午陰清王介甫詩綠成白雪桑重綠劉孟黃雲麥止青禮記
月令麥秋至同朝國事集賜沐吏功休孟子曰得侍同朝甚喜漢書薛宣
傳曰日至文以休祇園冠蓋地清與耳目謀梵云祇園此言勝民梵云
僧伽藍摩此云衆園由祇陀大子園造佛精舍因以為名柳子厚小丘記

曰清冷之狀與日俱潛潛之聲與耳謀晴雲浮若挽飛電落文楸陸羽茶
經曰沐餘者湯之華已如晴天矣明有浮雲晴然若挽見上注飛電謂
茶聲文楸謂碁局北夢瑣言曰本國王子入貢出本國如楸玉句今暖碁
子並玉之蒼者如楸目色一客衆主人醉此顧虎頭虎頭持龍節排河使
東流禮記曾子問曰衆主人卿大夫士房中皆笑不踊此借用其字周禮
掌節曰澤國用龍節孟子曰排難解而注之江厥田惟上上桑麻十數州計
功不汗馬可封萬戶侯為貢車州厥田惟上上左傳曰諸侯言時計功漢
書蕭何傳曰上以何功最盛先封為鄼侯食邑八千戶功臣皆曰蕭何未
有汗馬之勢領居臣等工何也李廣傳曰今當高祖世萬戶侯豈足道哉

青岡寺

開封府志青岡寺在
本府通許縣東南

善護寺

開封府志善護寺在陽武
縣治東郭外廢壞不存

歐陽寺

開封府志歐陽
寺在新鄭縣

城臯寺

開封府志城臯寺在
新鄭縣東北歲豐都

自然山寺

開封府志自然
山寺在新鄭縣

西南永
安郡

香峪寺

開封府志香峪寺在密縣西
北三十里已廢舊基尚見存

洪濟寺

開封
府志

洪濟寺在許州城內東北一里基址尚見存

王孟寺

開封府志王孟寺在襄城縣庾河保一在縣南二十里

洪

村寺

開封府志洪村寺在襄城縣穎橋保

屈村寺

開封府志屈村寺在襄城縣東北三十里世傳屈平子孫

所居之地後人因以其宅為寺焉

駝口寺

開封府志駝口寺在襄城縣東南四十里

善村寺

開

府志善村寺在鈞州城西北隅

紫雲寺

元一統志紫雲寺在襄城縣紫雲山楚莊王婆妙須公主證果因地古塔今存

彼

岸寺

開封府志彼岸寺在鄆城縣西北一里六十步有古塔存焉元一統志寺在鄆城縣蘇穎濱有詩詠文殊院古栢云曾有大栢

孔明祠行盡天涯未見之此樹便高稱子行它山只可作孫枝棟梁如是誰家用舟楫惟應海水宜春暮飛鴉集無數青田老鶴未曾知

華

臺寺

開封府志華臺寺在陳州北關新建

靈通寺

元一統志靈通寺在陳州宛丘先生張耒字文潛嘗寓於

此植雙棠于僧舍作問雙棠賦

建中寺

洛陽伽藍記建中寺晉泰元年尚書令樂平王劼朱世隆所立也本是閹官司空劉